



Broj: 05-04-20-1962-3/24
Datum: 20.05.2024.godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 25. Pravilnika o javnim nabavkama u Općini Maglaj („Službene novine Općine Maglaj“ broj 13/22) i člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-1962-2/24 od 06.05.2024. godine, u postupku javne nabavke „Izvođenje radova na izgradnji sportske dvorane srednjih škola u Maglaju“, sa namjerom zaključivanja okvirnog sporazuma sa jednim ponuđačem na period od 24 mjeseca, Općinski načelnik, d o n o s i

ODLUKU

o izboru najpovoljnijeg ponuđača.

I

Prihvata se preporuka Komisije za javne nabavke i okvirni sporazum za „Izvođenje radova na izgradnji sportske dvorane srednjih škola u Maglaju“ dodjeljuje se ponuđaču „INTER“ d.o.o. Tešanj u skladu sa ponudom od 06.05.2024. godine, po ukupnoj cijeni u iznosu od 670.000,00 KM bez PDV-a, odnosno iznosu 783.900,00 KM sa PDV-om.

II

Ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka broj: 05-04-20-1962/24 od 15.04.2024. godine pokrenut je postupak javne nabavke za „Izvođenje radova na izgradnji sportske dvorane srednjih škola u Maglaju, otvoreni postupak s namjerom zaključivanja okvirnog sporazuma sa jednim ponuđačem na period od 24 mjeseca. Predmetna javna nabavka objavljena je na portalu javnih nabavki, obavještenje o nabavci broj 1140-1-3-33-3-45/24 od 15.04.2024. godine. Sažetak obavještenja o nabavci objavljen je u „Službenom glasniku BiH“, broj 27/24. Procijenjena vrijednost nabavke je 723.049,50 KM (bez PDV-a). Kriterij za dodjelu ugovora u predmetnom postupku je najniža cijena.

Predmetni postupak provela je Komisija za javne nabavke, imenovana Odlukom broj 05-45-1-875/23 od 22.05.2023. godine. U toku postupka Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa članom 63. stav 5. i 65. stav 2. Zakona o javnim nabavkama.

U predmetnom postupku Komisija je utvrdila sljedeće:

Blagovremeno je zaprimljeno pet ponuda i to:

| r/b | Naziv ponuđača | Sjedište ponuđača | Datum i vrijeme zaprimanja | Broj protokola |
|-----|--|---|----------------------------|----------------|
| 1. | "INGART" d.o.o. Usora-Žabljak | Žabljak bb, | 03.05.2024.11,41h | 3550 |
| 2. | "INTER" d.o.o. Tešanj | Ljetinić br.42 | 06.06.2024. 7,57h | 3564 |
| 3. | "ZANATT" d.o.o. Maglaj | Liješnica bb Maglaj | 06.05.2024.9,25h | 3570 |
| 4. | "ALU WOOD INŽINJERING" d.o.o. Maglaj | Željeznička bb | 06.05.2024.9,31h | 3571 |
| 5. | Konzorcij "DKM Gradnja" d.o.o. Maglaj i "Dževkomerc Inženjering" d.o.o. Zavidovići | Viteška bb Maglaj Dubravački put bb Zavidovići | 06.05.2024.9,50h | 3576 |

Neblagovremenih ponuda nije bilo.

Zaprimljene ponude su prihvatljive prema formi, obliku i potpunosti, odnosno dostavljene su u zatvorenoj kovčetu, na kojoj su bili navedeni svi podaci traženi tenderskom dokumentacijom.

Zapisnik sa otvaranja ponuda je dostavljen svim ponuđačima.

Nakon što je Komisija za javne nabavke izvršila pregled i ocjenu ponuda i konstatovala da Ponuda ponuđača Konzorcij "DKM Gradnja" d.o.o. Maglaj i "Dževkomerc Inženjering" d.o.o. Zavidovići, broj 54/24 nije prihvatljiva iz razloga jer ponudena cijena ponuđača za predmetne radove u iznosu od 723.049,51 bez PDV-a odnosno 845.967,93 sa PDV-om, premašuje predviđena i osigurana sredstva ugovornog organa za predmetnu nabavku u iznosu od 723.049,50 KM bez PDV-a, i odbacuje se kao neprihvatljiva u skladu sa članom 68. stav (4) tačka i), i članom 69. stav (2) tačka e) ZJN BiH (Službeni glasnik broj 39/14 i 59/22), iz razloga što premašuje predviđena i osigurana sredstva ugovornog organa za predmetnu nabavku u iznosu od 723.049,50 KM.

Nakon što je Komisija konstatovala da su ostale ponude formalno - pravno ispravne, zakazana je E - aukcija za dan 09.05.2024. godine sa početkom u 14,00 sati.

Nakon održane e-aukcije, konačna rang lista u predmetnom postupku javne nabavke je sljedeća:

| r/b | Naziv ponuđača | Cijena / KM bez PDV-a | Cijena / KM sa PDV-om |
|-----|--------------------------------------|-----------------------|-----------------------|
| 1. | "INTER" d.o.o. Tešanj | 670000,00 | 783900,00 |
| 2. | "ZANATT" d.o.o. Maglaj | 679619,83 | 795155,20 |
| 3. | "Alu Wood Inženjering" d.o.o. Maglaj | 679950,00 | 795541,50 |
| 4. | "IngART" d.o.o. Žablaj Usora | 723049,50 | 845967,91 |

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu okvirnog sporazuma. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić

